

江
鄂
縣
新
志
初
稿

民國廿六年
馬鎮邦題

地 220.115

42

部 333



人物傳第一目錄

熊成基

江靄生

劉光權

劉漢

吳志馨

許嵐

葉慶松

魏竟成

目錄



熊成基字味根江都人祖瑞生安徽繁昌令父存仁候選通判兩世以來寓居蕪湖成基幼蓄大志喜擊韜略值晚清政窳益銳意謀改革稍長肄業安徽練軍武備學堂因聯絡同志組織黨會企圖革命諸同志見其言詞慷慨計畫周詳咸翕然從之尋入南洋礮兵學堂將校科肄業後充陸軍第九鎮礮兵排長調安徽馬營隊官又調礮營隊官撫士卒以寬甘苦與其閒導以興復大義眾咸感動光緒三十四年各省軍隊集太湖秋操值清慈禧后暨德宗先後卽世人心動搖而皖北防軍

卷六

人物傳

一

單薄成基乃與冷遙顧忠琛方振武洪承點范傳甲陳元鑑李朝棟薛哲諸同志謀義舉被推爲總司令十月二十六日起義於安慶北門外擬憑省垣爲根據地東規金陵西略贛鄂北定魯直以取中原巡撫朱家寶嬰城固守城中軍隊不能應援事遂不濟范陳李三人俱殉難成基整餘眾北去時姜桂題部田中玉率騎隊追襲成基戰且走入山中道舒廬乘閒遣散部曲將圖自裁部卒勸止之因憩其家卒有老母餽以資斧復潛赴安慶轉蕪湖謁其姑母姑母素奉佛結庵以居見烈士亟勸他往爲易僧服並給以旅資幸脫偵邏耳目閒道

走桐舒壽毫展轉達山東自青島航日本宣統二年成基反國赴瀋陽長春游歷變姓名爲張建勳并自稱河南永城人以避偵者居無何再往日本是年六月旅日志士圖大舉籌鉅款時上元孫竹丹藏有日本軍事計畫秘本十數冊擬售與俄人得其厚值藉利進行成基慨然以接洽自任復喬裝返國變姓名爲易隆既抵長春主臧貫三家臧本綠林渠豪劫掠致富營商業以掩人耳目其子克明僑日與成基素稔貫三悉其隱屢以危詞要挾成基乃改赴哈爾濱會清貝勒載洵赴歐考察海軍蕞事由西伯利亞鐵道返國成基將要而刺之

卷六

人物傳

二一

於途貫三告密成基遂於是年十二月二十四日被逮次年在吉林省垣就義神志從容不稍挫屈年才二十有四聘妻程矢志守節撫嗣子興嶽有恩成基遺櫬厝於吉林三江同鄉會之義塚地民國元年由同志章梓揚士香吳開御運歸江都葬於平山堂山麓民國十九年邑人士議建烈士祠於揚城北門外長春橋畔已將興工他日祠宇落成烈士妥靈於斯勵俗報功永垂不朽

江靄生字槐廈浙江錢塘人以父清駒官兩淮因家揚州年十九入揚州府中學堂肄業時在光緒三十四年

壽生體素弱敦厚自守未嘗以辭色先人師友咸重之
旋應徵入第九鎮充士兵積資至營部書記長益刻苦
自勵泊武漢起義東南響應第九鎮爲蘇軍中堅深資
得力時張勳據金陵統制徐固卿駐秣陵關俟機進取
及湘粵豫晉等省附義固卿擊張部於雨花臺壽生與
於斯役既而入第七師礮兵弁日學校卒業後充司務
長民國二年七月討袁軍興第七師駐蚌埠旋移金陵
袁部十餘萬眾壓城下將校知不敵皆他往兵士乃推
壽生爲連長據山列礮倚險自障歷十餘日殺傷過當
卒因兵少力絀飲彈以殉遺骸葬金陵雞鳴山麓

劉光權字映樞江都北鄉永安鎮望族世業儒父又柏
就館金陵光權隨侍讀書畢業於江甯小學旋入第四
師工程隊精勤敏練軍官器之弱冠後充滁縣警備隊
又充淞滬警察廳差遣及書記民國十一年冬改入商
界充滬上某公司會計光權天性敦篤熱心愛國民國
十四年五卅慘案發生光權慟外侮日亟思以一死雪
國恥是年六月七日徹夜未眠次日黎明將往黃浦東
岸與公司經理訣別在輪渡中值其戚朱某因以函授
朱卽縱身躍入浦中救已無及朱檢視其函始悉爲光
權遺書慟言國讐未復同胞宜努力越二日屍自原處

浮出眉宇閒尙凜凜有生氣朱乃披露遺書以告國人
各界開會追悼詩歌聯辭以數千計年二十有九鄉人
阮慕白運光權遺櫬歸江都閱二年葬於北郭外虹橋
側

劉漢湖南衡陽人安徽武備學堂畢業留學日本習警
察返國後值武昌起義時徐紹楨在金陵督師遣漢來
揚與徐寶山接洽遂收復揚州及寶山任北伐第二軍
軍長漢參贊軍務共和告成以來漢在揚辦紅十字會
兼商團團長經驗極富民國十六年孫傳芳自江南退
兵江北路經揚州國民革命軍追蹤至孫軍遂北去旋

卷六

人物傳

四

復南來彌月又北自春徂秋革命軍才奠定揚州大局
當孫軍在揚時商會暨邑人士推漢任警察局長維持
秩序地方賴以安全乃竟以忠實任事爲孫部王珍所
害

吳志馨字意航江都人世居瓜洲幼有至性以孝聞年
十六入江南水師學堂卒業成績第一派赴日本留學
學精覃思冀學成後改良祖國海軍當是時總理僑日
宣傳三民主義徵求同志志馨慨然加人泊返國後任
甘泉舞鳳等礮艦艦長煙臺海軍練營隊長民國元年
任舞鳳礮艦艦長訓練有方上峯激賞民國七年七月

總理率海軍南下護法志馨任豫章礮艦艦長擊退莫榮新軍旋任廣東水雷魚雷局局長大元帥本部參軍暨參謀部部員襄助甚力民國十年總理就非常大總統任命志馨改組海軍調海琛艦艦長十一年陳炯明叛變總理蒙難志馨率海琛與永豐永翔豫章等艦出動由黃埔經車歪礮臺駛至白鵝潭對大沙頭白雲山沙河觀音山五層樓等處叛軍礮擊得支危局復沿長堤而東犁庭掃穴賊大潰迨總理返滬任志馨爲海圻艦艦長藉減溫樹德勢力未幾樹德率艦歸北志馨勸阻無效因虛與委蛇保全實力陽隨樹德意旨而陰與

南方同志通聲氣民國十六年春蔣總司令既定江淮進規齊魯志馨乃聯絡同袍部署一切以待被任國民革命軍渤海艦隊司令爲祝祥本偵知遂被執是年秋張宗昌統重軍入皖蘇挫衄返魯乃害志馨於歷城十七年蔣總司令呈請國府明令褒卹有該故司令矢心嚮義無間初終夙志未償捐軀殉國軫悼良深著照中將陣亡例從優議卹以彰忠烈等語庶志馨可不朽云許嵐字靄如原籍皖歙先世任兩淮鹽官遂家於揚爲江都人嵐天資英敏讀書成誦幼時學於學校年十五習商執業於阜豐麩粉公司司筆札監運輸往來揚滬

供職勤慎主事者倚重之武漢起義共和奠定嵐改入新聞界文稿登載滬報署名冷灰申報館聘爲駐揚訪員名譽益發展而罹禍之因已伏民國十六年秋孫傳芳軍總指揮劉士林奉令於某日率部渡江嵐偵知之卽電滬館電局檢查電稿報總指揮部認爲洩漏夜捕嵐施以刑鞫各界知嵐冤聯名營救無效遂於八月三日被害妻氏劉字蘭貞女一八歲殤以兄子寶璜爲嗣是年葬於平山堂之側

葉慶松字壽珊江都人幼失怙賴母氏張撫育儻居邵伯稍長眉宇軒昂體力充實識者知爲偉器母氏績學

卷六

人物傳

六

授以詩禮輒能成誦通大義慶松少有大志略涉四部不屑爲章句帖括下筆千言立就極排昇縱橫之致尋入安徽武備學堂技術學業冠絕等倫卒業後充南京三十三標排長因以革命學術導其部眾有感泣者光緒三十四年清慈禧后暨德宗先後卽世熊成基倡義於安慶慶松謀響應未成幾及於難脫險後往廣西依其姊丈丁又錢充南甯督練公所教練官迨武昌起義慶松宣力蘇贛參與軍謀洎總理就臨時大總統職於南京充禁衛團副官旋調充第七師團副官民國二年黃興在南京就討袁總司令職慶松赴徐州佐第八師

師長冷適籌防守事宜又就南京軍事執法官追討袁軍敗慶松奉母返里爲邏者所獲幸得釋及任江寧警察區官勦捕盜匪尤力民國十六年孫傳芳往來江淮聞慶松繪北湖形勢圖供革命軍參考旋任江寧鎮公安分局巡官值中屯營股匪猖獗率警痛勦斃悍匪甚夥俄而匪眾大集慶松遂遇害年四十有二時母尙在元配丁繼配閻生四女

魏竟成江都人清季注名黨籍而仍隱於商爲彭泰和藥肆夥民國五年袁世凱組籌安會將謀稱制先總理孫中山先生檄全國討之竟成受江北總司令韓恢委

卷六

人物傳

七

任充江北革命軍總代表與同志賀廣馬龍圖等運動駐揚軍隊約期起義事機不密遂於是年三月十七日爲陸軍七十六混成旅旅長張仁奎捕獲移送江都縣署開軍政會審執法官某頗爲竟成開脫竟成訟言不諱遂與賀馬俱遇害閱十三年革命完成竟成弟樂山暨邑人士臚舉事實呈請中央政府優卹奉令從祀首都烈士祠

